



16 FEB, 2025

RM18j kerugian tahun lepas akibat curi elektrik: ECoS

Harian Ekspres (KK), Malaysia



RM18j kerugian

tahun lepas

akibat curi

elektrik: ECoS

KOTA KINABALU:

Suruhanjaya Tenaga

Sabah (ECoS)

memandang serius

kes kecurian elektrik

yang berleluasa

melalui gangguan

meter, dan akan

meningkatkan pen-

kuatkuasaan tahun

ini bagi mengesan

dan membendung kegiatan haram itu ter-

masuk di premis domestik.



Ketua Pegawai Eksekutif ECoS Datuk Abdul Nasser Abdul Wahid (**gambar**) berkata tindakan undang-undang akan diambil terhadap syarikat serta individu yang mencuri kuasa atau terlibat dalam pengubahan meter.

Beliau berkata Sabah Electricity (SE) mengalami kerugian lebih RM18 juta akibat kecurian elektrik tahun lepas sahaja, dan kerugian kira-kira RM3 juta setakat tahun ini.

Nasser berkata ECoS telah melakukan serbuan bersama dengan SE di 21 premis perindustrian dan komersial.

Serbuan ini membongkar 15 kes gangguan meter yang menyebabkan Sabah Electricity rugi lebih RM3 juta, katanya.

ECoS mengendalikan premis industri dan komersial manakala Sabah Electricity menangani premis domestik dan tapak lain.

Nasser berkata sehingga Februari, sembilan kes telah didakwa di mahkamah.

Beliau berkata kesemua mereka yang terbabit mengaku bersalah, dengan satu dikompaun RM50,000; manakala tiga lagi kes sedang didakwa dan dua dalam siasatan.

“Sabah Electricity juga boleh mendapatkan semula jumlah kerugian daripada pesalah berdasarkan Seksyen 63(6) Enakmen Bekalan Elektrik 2024,” katanya.

Menurut Enakmen itu, pemilik premis atau pengusaha komersial dan industri boleh didenda antara RM20,000 dan RM1 juta atau penjara sehingga lima tahun, atau kedua-duanya sekali, bagi sabitan pertama, katanya.

“Bagi kesalahan kedua dan seterusnya, pesalah boleh didenda daripada RM100,000 hingga RM5 juta, atau penjara sehingga 10 tahun, atau kedua-duanya sekali.